

## Siemenfierz'ga Klassntreffa

A Klassntreffa ol fimpft's Jo  
tos is wos schejs, gonz g'wis,  
we wuas ub's fi tej uda danuan  
nit villeicht as Letzt's go is.

D 'Hauser-Miedl und d'Restl-Lis  
hom ins tos migla g'mocht  
und hom oli do i Denkendorf  
nou uamol z'omma procht.

To samma om pum Ochsenwirt  
g'miatla zomma g'sessn  
und hom no anar longa Ruas  
erdamol a Mittogmol g'essn.

Nochi san ma om spoziert  
pis zu da Kira ko,  
wou Guldigi Konfirmation  
mia g'feiert hom vo fimpf Jo.

G'feiert homma speta nou  
hom fuel dazalt und g'locht,  
wia's i da Schual und Jugend g'wenn  
pis fost um'd Mittinocht.

Aus inser eh schon kluana Klass  
do san scho sechs dahin,  
we woas ub pu'nem nechst'n Treff  
sokoo v'leicht i tos bin.

D'rum t'niesst's as Lejm ejs lieb'n Lejt  
und mocht's engs nit so schwaa,  
mocht's wos eng g'fallt, lebt's jedn Tog  
ols ob's da letzt ko wa.

Wouwerl Pold  
( Leopold Leonbacher 904)